

7-4

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za prostorno uređenje, promet, komunikacije i zaštitu okoline, Vlada Zeničko-dobojskog kantona, na 124. sjednici, održanoj 10.04.2026. godine, d o n o s i

ZAKLJUČAK

I

Utvrđuje se Prijedlog Odluke o pristupanju izmjenama Prostornog plana Zeničko-dobojskog kantona (2009-2029).

II

Zaključak sa Prijedlogom Odluke iz tačke I ovog zaključka upućuje se u dalju skupštinsku proceduru.

III

Zaključak stupa na snagu danom donošenja.

Broj: 02- 02- 7137 /26
Datum, 10.04.2026. godine
Zenica

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,
1x Stručna služba Skupštine,
1x Kantonalni zavod za urbanizam,
1x a/a.



PREMIJER
po ovlaštenju
Dženana Čišija

Na osnovu člana 37. stav 1. tačka f) Ustava Zeničko-dobojskog kantona i člana 42. Zakona o prostornom uređenju i građenju („Službene novine Zeničko-dobojskog kantona“, broj: 17/23) Skupština Zeničko-dobojskog kantona, na _____ sjednici, održanoj _____ godine donosi:

O D L U K U

o pristupanju izmjenama Prostornog plana Zeničko-dobojskog kantona (2009 – 2029.)

Član 1.

(Vrsta dokumenta)

(1) U Prostornom planu Zeničko-dobojskog kantona (2009 – 2029.) (u daljem tekstu Prostorni plan) („Službene novine Zeničko-dobojskog kantona“, broj: 4/09), s ciljem stvaranja pretpostavki za nesmetan razvoj i eliminisanje ograničavajućih faktora u planiranju prostora na području općine Olovo i grada Visoko, pristupa se izmjeni tekstualnog i grafičkog dijela koji se odnosi na planirane višenamjenske hidroakumulacije na rijeci Krivaja (Buk i Kamenica), rijeci Bioštici (Kruševo i Zeleni vir) i aerodrom na lokaciji Paljike, grad Visoko.

(2) Višenamjenske hidroakumulacije (Buk i Kamenica na rijeci Krivaja i Kruševo i Zeleni vir na rijeci Bioštica) potrebno je „brisati“ iz tekstualnog i grafičkog dijela Prostornog plana, obzirom da nisu područja od značaja za Federaciju Bosne i Hercegovine.

(3) Građevinsko zemljište koje je namijenjeno za izgradnju aerodroma na lokaciji Paljike, grad Visoko potrebno je opredijeliti za: stambenu, proizvodnu i poslovnu namjenu i izgradnju infrastrukturnih objekata sa energetsom i telekomunikacijskom opremom.

(4) Planirani aerodrom na lokaciji Paljike nije od interesa za Federaciju Bosne i Hercegovine, niti za Zeničko-dobojski kanton.

Član 2.

(Granice područja za koje se Prostorni plan mijenja)

Prostorni plan se mijenja za područje općine Olovo i grad Visoko.

Član 3.

(Vremenski period)

Vremenski period za koji se radi izmjena Prostornog plana je 2026. – 2029. godina, odnosno do isteka roka važenja Prostornog plana.

Član 4.

(Finansiranje)

Kantonalni zavod za urbanizam i prostorno uređenje je osnovan od strane Skupštine Zeničko-dobojskog kantona za izradu planskih dokumenata za koje su nadležni Kanton i jedinice lokalne samouprave – gradovi/općine u Kantonu, čije su nadležnosti utvrđene Zakonom o kantonalnim ministarstvima i drugim tijelima kantonalne uprave.

Član 5.
(Nosilac pripreme)

Nosilac pripreme izmjena Prostornog plana je Vlada Zeničko-dobojskog kantona putem Ministarstva za prostorno uređenje, promet i komunikacije i zaštitu okoline.

Član 6.
(Nosilac izrade)

Nosilac izrade izmjena Prostornog plana je Kantonalni zavod za urbanizam i prostorno uređenje Zeničko-dobojskog kantona.

Član 7.
(Smjernice za izradu)

Nosilac pripreme izmjena Prostornog plana osigurat će Nosiocu izrade svu potrebnu dokumentaciju neophodnu za izradu izmjena Prostornog plana, te obezbijediti saradnju i uključivanje resornih ministarstava i drugih relevantnih korisnika prostora.

Član 8.
(Obaveze Nosioca izrade)

Nosilac izrade izmjena Prostornog plana dužan je tokom izrade izmjena Prostornog plana koristiti svu raspoloživu dokumentaciju koristeći tehnike i pristup prostornom planiranju propisan Zakonom o prostornom uređenju i građenju („Službene novine Zeničko-dobojskog kantona“, broj: 17/23) i Uredbom o jedinstvenoj metodologiji za izradu planskih dokumenata („Službene novine Federacije BiH“, broj: 63/04, 50/07 i 84/10).

Član 9.
(Postupak donošenja)

Donošenje i usvajanje izmjena Prostornog plana vršit će se po skraćenom postupku, obzirom da se planiranim izmjenama ne mijenja osnovna koncepcija planskog dokumenta, a sve prema članovima 42. i 50. Zakona o prostornom uređenju i građenju („Službene novine Zeničko-dobojskog kantona“, broj: 17/23).

Nosilac pripreme izmjena Prostornog plana podnosi Skupštini Kantona prijedlog izmjene Prostornog plana koji čini tekstualno obrazloženje sa grafičkim prikazom na odgovarajućem broju tematskih karata iz planskog dokumenta za koji se predlaže izmjena.

Član 10.
(Stupanje na snagu)

Ova Odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: _____
Zenica, _____

Predsjedavajući Skupštine

Obrazloženje

PRAVNI OSNOV:

Pravni osnov za donošenje ove Odluke je sadržan u članu 37. stav 1. tačka f) Ustava Zeničko-dobojskog kantona i članu 42. Zakona o prostornom uređenju i građenju („Službene novine Zeničko-dobojskog kantona“, broj: 17/23) .

RAZLOZI ZA DONOŠENJE:

Kantonalnom zavodu za urbanizam i prostorno uređenje u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, obratio se općinski načelnik Općine Olovo inicijativom za izmjene i dopune Prostornog plana Zeničko-dobojskog kantona (2009 – 2029) broj: 12-1-19-1209/25 od 13. 02. 2026. godine (broj akta Općine Olovo: 02-19-4-2430-2/25 od 12. 02. 2026 godine), a sve na osnovu člana 42. i 51. Zakona o prostornom uređenju i građenju („Službene novine Zeničko-dobojskog kantona“, broj: 17/23), te je potrebno da Skupština Kantona donese Odluku o pristupanju izmjenama Prostornog plana Zeničko-dobojskog kantona (2009 – 2029.).

Naime, Općinsko vijeće Olovo je na sjednici koja je održana 28.02.2007. godine donijelo Odluku o pristupanju izradi Prostornog plana općine Olovo za period 2007 – 2022. godina. Međutim, zbog nepostojanja Prostornog plana Zeničko-dobojskog kantona, kao plana višeg reda, nije se moglo pristupiti izradi istog. Nakon donošenja Prostornog plana Kantona (2009 – 2029.) Općinsko vijeće Olovo na sjednici koja je održana 28.12.2016. godine, donosi novu Odluku o pristupanju izradi Prostornog plana općine Olovo za period od 2017. do 2037. godine. Kantonalni zavod za urbanizam i prostorno uređenje kao Nosilac izrade započeo je izradu Prostornog plana općine Olovo koji još uvijek nije završen zbog ograničenja u prostoru planiranim višenamjenskim hidroakumulacijama na rijekama Krivaja i Bioštica u Prostornom planu RBiH, za period 1981. do 2000. godine. Pomenute višenamjenske akumulacije su planirane i u Prostornom planu Kantona, s obzirom da su preuzete iz Prostornog plana RBiH kao plana višeg reda.

Zbog nepostojanja planske dokumentacije, Općina Olovo trpi nemjerljivu štetu i stagnaciju u svakom pogledu društvenog i privrednog razvoja.

Načelnik općine Olovo kontinuirano se obraća sve ovo vrijeme kantonalnim i federalnim organima vlasti i nadležnim ustanovama da se ukinu planirane akumulacije na rijekama Krivaji i Bioštica kako bi se skinula zabrana korišćenja prostora preko 30 odsto ukupne površine općine.

Federalno ministarstvo prostornog uređenja je na traženje Ureda Premijera Vlade Federacije Bosne i Hercegovine dostavilo Informaciju broj: 02-19-589/25 od 20. 01. 2026 godine u kojoj je jasno navedeno:

Općina Olovo nije obavezna pozivati se na Prostorni plan Federacije Bosne i Hercegovine, za period od 2008 – 2028. godine, zbog njegovog nepostojanja.

Prostornim planom RBiH, za period 1981 – 2000 godina na odnosnom području, planirani hidroenergetski objekti i područja, nisu područja od značaja za Federaciju Bosne i Hercegovine, jer ista Parlament Federacije Bosne i Hercegovine nije utvrdio.

Shodno članu 115. Zakona o prostornom planiranju i korišćenju zemljišta na nivou Federacije Bosne i Hercegovine („Službene novine Federacije BiH“, broj: 2/06, 72/07, 32/08, 4/10, 45/10,85/21, i 72/24) područja od značaja za Federaciju BiH utvrđuje Parlament na prijedlog Vlade.

Zbog navedenog, konačno su se stvorile zakonske pretpostavke da se uradi i donese Prostorni plan općine Olovo, uz samo još jedan korak – a to je izmjena Prostornog plana Kantona.

Naime, da bi se pristupilo izradi Prostornog plana općine Olovo potrebno je prvo izmijeniti Prostorni plan Zeničko-dobojskog kantona za period 2009 – 2029. godina, kao plan višeg reda (u kojem je potrebno brisati višenamjenske hidroakumulacije (Buk i Kamenica na rijeci Krivaja i Kruševo i Zeleni vir na rijeci Bioštica).

Također, na inicijativu privrednog društva „SUŠA-COMMERCE“ d.o.o. Visoko broj: 17/07/24 od 17. 07. 2024 godine potrebno je u Prostornom planu Zeničko-dobojskog kantona za period 2009-2029. godina izvršiti promjenu namjene građevinskog zemljišta vanurbanog područja planiranog za „izgradnju aerodroma Paljike na području grada Visoko“ u novu namjenu građevinskog zemljišta: „stambenu, proizvodnu i poslovnu namjenu i izgradnju infrastrukturnih objekata sa energetsom i telekomunikacijskom opremom“.

U inicijativi se kao razlozi zbog kojih se pokreće inicijativa za izmjenu Prostornog plana Kantona navodi: „da je planiranje aerodroma Paljike neopravdano, da su sve aktivnosti na njegovoj izgradnji stopirane, da je planirana lokacija za njegovu izgradnju nepovoljna u meteorološkom pogledu, da država nema interesa ni ekonomskog opravdanja za izgradnju još jednog aerodroma udaljenog od Međunarodnog aerodroma Sarajevo 15 km zračne linije, da su intevizirana ulaganja u Međunarodni aerodrom Sarajevo u cilju proširenja i unapređenja terminala i povećanja uzletno-sletne staze“.

Podnosilac inicijative nadalje navodi da bi se promjenom namjene navedenog građevinskog zemljišta dobio novi zamah u razvoju Kantona, da bi to omogućilo zapošljavanje više stotina radnika, da bi se postigao veći stepen energetske i telekomunikacijske stabilnosti, za šta je potrebna zelena energija, da bi se gradnjom infrastrukturnih objekata sa energetsom i telekomunikacijskom opremom podigao veći nivo energetske i telekomunikacijske sigurnosti i povećao prosperitet Grada Visoko, Zeničko-dobojskog kantona, pa i Federacije BiH.

Navedeno zemljište je namijenjeno za gradnju aerodroma „Paljike“ na inicijativu lokalne zajednice. Aerodrom „Paljike“ nije nikada proglašen od interesa za Zeničko-dobojski kanton niti od interesa za Federaciju BiH. Radi se o ogromnoj površini zemljišta, cca 400,00 ha.

Prostorni plan Federacije BiH ne postoji. Donesena je Odluka o pristupanju izradi Prostornog plana Federacije Bosne i Hercegovine, koju je usvojio Parlament Federacije Bosne i Hercegovine na sjednici Zastupničkog doma od 25.9.2025. godine i na sjednici Doma naroda od 30.9.2025. godine („Službene novine FBiH“, broj:77/25).

Shodno članu 115. Zakona o prostornom planiranju i korišćenju zemljišta na nivou Federacije Bosne i Hercegovine („Službene novine Federacije BiH“, broj: 2/06, 72/07, 32/08, 4/10, 45/10,85/21, i 72/24) do donošenja Prostornog plana Federacije BiH primjenjuje se Prostorni plan Bosne i Hercegovine za period 1981. do 2000. godine u dijelu koji nije u suprotnosti sa Ustavom Federacije Bosne i Hercegovine.

U Prostornom planu Bosne i Hercegovine za period 1981. do 2000. godine nije planiran aerodrom „Paljike“, na području Grada Visoko.

Shodno članu 45. stav (7) Zakona o prostornom uređenju i građenju („Službene novine Zeničko-dobojskog kantona“, broj: 17/23), mora se osigurati usklađenost planskog dokumenta koji se

izrađuje sa planskim dokumentom šireg područja, odnosno planom višeg reda, to jest sa Prostornim planom Bosne i Hercegovine za period 1981. do 2000. godine.

FINANSIJSKI EFEKTI

Za realizaciju ove Odluke nisu potrebna dodatna sredstva u Budžetu Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26).



Broj: 12-1-02-1-4231/26
Zenica, 05.03.2026.godine

Handwritten initials and signature: 04 and a stylized signature.

**Ministarstvo za prostorno uređenje,
promet i komunikacije i zaštitu okoline**
-n/r ministra

PREDMET: Prijedlog Odluke o pristupanju izmjenama Prostornog plana Zeničko-dobojskog kantona (2009-2029)

-dostavlja se;

Poštovani,

Dostavljamo Vam Prijedlog Odluke o pristupanju izmjenama Prostornog plana Zeničko-dobojskog kantona (2009 – 2029), radi daljeg postupanja u skladu sa nadležnostima i upućivanja Vladi Zeničko-dobojskog kantona na razmatranje.

Prilog:

-(2x) Prijedlog Odluke o pristupanju izmjenama Prostornog plana Zeničko-dobojskog kantona (2009 – 2029) uz obrazloženje.

Dostavljeno:

1 x Naslovu,
1 x a/a.





Municipality mayor

Općinski načelnik

Broj: 02-19-4-2430-2/25
Datum: 12.02.2026. godine

ZENIČKO-DOBOJSKI KANTON			
Prilježeno: 13-02-2026			
Opć. jed.	Kvalif. oznak.	Šifra broj	Broj priloga
12-1-19	-	1209	5

1. VLADA ZENIČKO-DOBOJSKOG KANTONA
N/R PREMIJER
2. Ministarstvo za prostorno uređenje, saobraćaj
i komunikacije i zaštitu okoline
Ulica Kučukovići 2
72000 Zenica
3. Kantonalni zavod za urbanizam i prostorno uređenje ZDK
Ulica M. Tarabara 15
72000 Zenica
4. Ministarstvo poljoprivredu, šumarstva i vodoprivrede
Ulica Kučukovići 2
72000 Zenica

3
ZENIČKO-DOBOJSKI KANTON
Ministarstvo za prostorno uređenje,
promet i komunikacije i zaštitu okoline
Kantonalni zavod za urbanizam i prostorno uređenje
Broj: 12-1-36/26
Datum: 16.02.2026 god.

PREDMET: Prostorni plan općine Olovo

Dopisom (broj: 02-19-4-2430/25), koji Vam je dostavljen dana 18.08.2025. godine, Općina Olovo je, po ko zna koji put, iznijela probleme sa kojim se susrećemo kada je u pitanju izrada Prostornog plana općine Olovo. U dopisu smo naglasili koji su to ograničavajući faktori u planiranju prostora na području naše općine i naveli da smo spremni za dijalog. Zatražili smo da se organizuje zajednički sastanak u cilju konačnog rješavanja problema koji su od presudne važnosti za stanovništvo općine Olovo i u konačnici za izradu PP općine Olovo. Odgovor smo dobili samo od Ministarstva za poljoprivredu, šumarstvo i vodoprivredu ZDK.

Niti nakon Urgencije (broj: 02-19-4-2430-1/25 od 25.12.2025. godine), kojim smo zatražili da se prvobitno dostavljeni zahtjev od 18.08.2025. godine uzme u razmatranje bez odlaganja, odgovor nije zaprimljen.

Po dostavljenoj urgenciji postupio je jedino Ured Premijera FBiH i dopisom od 13.01.2026. godine (broj: 01-19-548-1/25) od Federalnog ministarstva prostornog uređenja zatražio Informaciju o izradi Prostornog plana općine Olovo. Na dostavljeni zahtjev Federalno ministarstvo prostornog uređenja dostavlja informaciju (broj: 02-19-589/25-4 od 20.01.2026. godine). U Informaciji, između ostalog, stoji:

„Iz naprijed navedenog, a vezano za problematiku izrade Prostornog plana općine Olovo, proizilazi da Općina Olovo nije obavezna pozivati se na Prostorni plan Federacije Bosne i Hercegovine, za period od 2008.-2028. godine, zbog njegovog nepostojanja.

Prostorni plan RBiH, za period od 1981. godine do 2000. godine, na odnosnom području, planirani hidroenergetski objekti i područja, nisu područja od značaja za Federaciju Bosne i Hercegovine, jer ista Parlament Federacije Bosne i Hercegovine nije utvrdio“

Da ponovno rezimiramo:

1. Općinsko vijeće Općine Olovo je 28.02.2007. godine donijelo Odluku o pristupanju izradi Prostornog plana Općine Olovo za period 2007.-2022. godina (broj: 01-01-3-945/07). S obzirom da Prostorni plan nije donesen Zaključkom Vlade Zeničko-dobojskog kantona (broj: 02-14-15437/11 od 06.06.2011. godine) zadužen je Kantonalni zavod za urbanizam i prostorno

uređenje ZDK da preuzme obaveze Nosioca izrade Prostornog plana općine Olovo za period 2010.-2025. godina. Po preuzimanju obaveze Nosioca izrade Prostornog plana općine Olovo Općinsko vijeće Olovo, na sjednici koja je održana 28.12.2016. godine, donosi novu Odluku o pristupanju izrade Prostornog plana općine Olovo za period od 2017. do 2037. godine (broj: 01-01-3-33/17). Aktivnosti na izradi Prostornog plana općine Olovo započinju u 2017. godini, i danas, deset godina poslije donošenja Odluke, **Prostorni plan općine Olovo nije donesen.**

Od 2017. godine traje „borba“ Općine Olovo da se izradi Prostorni plan općine Olovo, s jedne strane, a s druge strane „prebacivanje loptice nadležnosti“ sa federalnih na kantonalne nadležne organe i obrnuto.

U dopisima nadležnih federalnih i kantonalnih organa, kao ograničavajući faktori u planiranju prostora na području naše općine, isticana su rješenja u Prostornom planu R BiH, **nepostojećem Prostornom planu Federacije Bosne i Hercegovine za period od 2008.-2028. godine i Prostornom planu ZDK za period od 2009.-2029. godine, u dijelu koji se odnosi na zaštićena područja i akumulacije Kruševo, Buk i Kamenica na području općine Olovo za koja će se tek 2026. godine zvanično napisati da nisu područja od značaja za Federaciju Bosne i Hercegovine, jer ista Parlament Federacije Bosne i Hercegovine nije utvrdio** (što je i propisano članom 115. Zakona o prostornom planiranju i korištenju zemljišta na nivou FBiH, (“Službene novine Federacije BiH”, br. 2/06, 72/07, 32/08, 4/10, 13/10, 45/10, 85/21, 92/21 i 72/24).

Podsjećamo da je Općina Olovo od nadležnih federalnih i kantonalnih Ministarstava tražila utvrđene: granice obuhvata planiranih akumulacija na rijeci Krivaji i Bioštici, granice obuhvata zaštićenih područja od interesa za FBiH i popis zaštićenih objekata prirode na području općine Olovo sa granicama obuhvata. Prema dopisu Ministarstva za prostorno uređenje, promet i komunikacije ZDK granice obuhvata planiranih akumulacija na rijeci Krivaji i Bioštici, u postupku izrade Prostornog plana ZDK, su preuzete sa tada raspoloživih grafičkih podloga kao strateško opredjeljenje SRBiH u cilju regionalnog vodosnabdijevanja iz akumulacija planiranih PP SRBiH (1981.-2000.) i upućeni smo da se za tačne granice obuhvata obratimo nadležnom Federalnom ministarstvu. U istom dopisu se navodi da granice obuhvata zaštićenog područja od interesa za FBiH nisu utvrđene PP ZDK, dok sa popisom zaštićenih objekata prirode na području općine Olovo sa granicama obuhvata istih kantonalno Ministarstvo ne raspolaže (prilog: dopis Ministarstva za prostorno uređenje, promet i komunikacije ZDK, broj: 12-14-15437/11 od 15.01.2018. godine). U dopisu Federalnog ministarstva prostornog uređenja (broj: 02-23-2-1172/18-2 FŠ od 15.01.2019. godine), kao odgovor na naš podnesak koji smo dostavili, u skladu sa uputom Ministarstva za prostorno uređenje, promet i komunikacije ZDK, navedeno je da se „preuzme izvod iz PP ZDK, s granicama zaštićenih područja općine Olovo“. I tako u krug.

2. **Iako planirani hidroenergetski objekti i područja planirana na općini Olovo nisu područja od značaja za Federaciju Bosne i Hercegovine, jer ista Parlament Federacije Bosne i Hercegovine nije utvrdio kao takve, ista su preuzeta su PP ZDK i kao takva postavljena kao „uslov“ Općini Olovo pri izradi Prostornog plana općine Olovo.**

S druge strane, za pojedine općine iz našeg Kantona oganičenja iz Prostornog plana SRBiH se ne moraju preuzeti kao obavezujuća smjernica. Takav slučaj je u „Prostornom planu općine Zavidovići 2016.-2036. godine“ čiji je nosilac izrade Kantonalni zavod za urbanizam i prostorno uređenje. U Prostornom planu općine Zavidovići stoji: „Zbog izgrađenosti određenih područja realno je očekivati da se izgradnja većine planiranih akumulacija prostorno-planskim dokumentima šireg područja (u njihovom maksimalno planiranom kapacitetu) neće dogoditi u skorije vrijeme. Zbog utvrđene postojeće prevelike izgrađenosti područja, **akumulacija Krajinići koja je ranije planirana Prostornim planom SRBiH (iz 1981. godine) nije preuzeta kao obavezujuća smjernica u postupku izrade i donošenja Prostornog plana Kantona 2009.-2029. godine, te ni ovim planskim dokumentom – Prostornim planom općine nije planirana**“.

Postavljamo pitanje: Zašto se zakoni i ograničenja primjenjuju samo na prostor općine Olovo!

3. Općinsko vijeće Zavidovići je podnijelo Inicijativu za izmjenu Prostornog plana Zeničko-dobojskog kantona 2009.-2029. godina za brisanja pojedinih lokacija hidroelektrana zbog postojećih uslova i planskih pretpostavki (HE Krajinići, HE u zoni Spomenika prirode Tajan). U Mišljenju Ministarstva za prostorno uređenje, promet i komunikacije i zaštitu okoline ZDK o Inicijativi Općinskog vijeća Zavidovići za izmjenu Prostornog plana Zeničko-dobojskog kantona (2009.-2029. godina), koje je Vlada ZDK prihvatila Zaključkom na 97. Sjednici Vlade ZDK koja je održana 31.01.2013. godine, stoji: „.....Nakon usaglašavanja navedenih raspoloživih podataka sa nadležnim institucijama, pojedinih ispravki tehničke prirode, **brisanja pojedinih lokacija hidroelektrana zbog postojećih uslova i planskih pretpostavki (HE Krajinići, HE u zoni Spomenika prirode Tajan)**, provedene javne rasprave Nacrt Prostornog plana Kantona u svim općinama Kantona, urađena je projekcija Energetske infrastrukture, kao sastavni dio Prostornog plana Kantona..... Zbog navedenog, smatramo da nije opravdano preduzimati aktivnosti na izmjenama Prostornog plana Zeničko-dobojskog kantona prije donošenja Prostornog plana FBiH.“

Iako je Ministarstvo za prostorno uređenje, promet i komunikacije i zaštitu okoline ZDK smatralo da nije opravdano preduzimati aktivnosti na izmjenama Prostornog plana Zeničko-dobojskog kantona prije donošenja Prostornog plana FBiH (2013. godine), to za Kantonalni zavod za urbanizam i prostorno uređenje nije predstavljalo prepreku da izradi „Prostorni plan općine Zavidovići 2016.-2036. godine“, a kasnije ni Ministarstvu za prostorno uređenje, promet i komunikacije i zaštitu okoline ZDK da predloži Mišljenje da je Prostorni plan općine Zavidovići za period 2016.-2036. godine usaglašen sa osnovnim načelima planskog uređenja i zaštite prostora i ciljevima prostornog razvoja Kantona utvrđenim Prostornim planom Zeničko-dobojskog kantona 2009-2029. godine („Službene novine Zeničkodobojskog kantona“, broj 4/09, 6/09 i 5/10) i to 2018. godine, a Vladi ZDK da prihvati a Skupštini da donese odluku o davanju saglasnosti.

4. Još jedan paradoks: Prije donošenja ^uprostornog plana kanton je dužan pribaviti mišljenje Federalnog ministarstva prostornog uređenja (član 16. stav 2 Zakona o prostornom planiranju i korištenju zemljišta na nivou Federacije Bosne i Hercegovine, (“Službene novine Federacije BiH”, broj 2/06, 72/07, 32/08, 4/10, 13/10, 45/10, 85/21, 92/21 i 72/24).

Općina Olovo je zaprimila akt Ministarstva poljoprivrede, šumarstva i vodoprivrede ZDK u kojem se, između ostalog, navodi da PP ZDK za period 2009.-2029. godine nema saglasnost Federalnog ministarstva prostornog uređenja, što nam je usmeno potvrđeno u Federalnom ministarstvu prostornog uređenja. U dopisu se pozivaju na „upozorenje“ Federalne uprave za inspekcijske poslove (broj: UPI-12-20-3-01573/2024-1227-3 od 14.04.2025. godine) kojim im se skreće pažnja na nepravilnosti prilikom postupanja i odlučivanja.

Postavlja se pitanje zakonitosti stručne ocjene Kantonalnog zavoda za urbanizam i prostorno uređenje ZDK s obzirom da se temelje na dokumentu za koji su, prije donošenja, bili dužni pribaviti mišljenje Federalnog ministarstva prostornog uređenja, a nisu.

5. Kantonalnim prostornim planovima ZDK nije utvrđeno vrijeme izgradnje vodnih akumulacija, odnosno vremensko trajanje režima zaštite i korištenja prostora, nisu precizno utvrđene granice obuhvata područja od interesa za FBiH (za koja je utvrđeno da nisu od interesa za FBiH) i planiranih akumulacija na području općine Olovo, niti je izrađena studija opravdanosti izgradnje akumulacija Buk i Kamenica. Napominjemo da je kao osnov za planiranje akumulacija na rijeci Krivaji korišten program urađen prije 22 godine - „Dugoročni program snabdijevanja pitkom vodom stanovništva i privrede na vodnom području slivova rijeke Save u Federaciji BiH na kantonalnom i podslivovskom nivou – Tuzlanski kanton“, urađen od strane Zavoda za vodoprivredu, Sarajevo, 2000/2003. godinu.

6. Na osnovu Rezolucije Općinskog vijeća, koja je donesena 17.05.2013. godine, Općina Olovo je pokrenula inicijativu da se planiranje zaštićena područja i akumulacije na rijeci Krivaji brišu iz

planskih dokumenata višeg reda. To je i povod da se vode pregovori uz učešće Vlade ZDK i nadležnih ministarstva i Vlade TK i nadležnih ministarstva, Federalnog ministarstva za prostorno uređenje, te definisani koraci u cilju otklanjanja prepreka u cilju stvaranja mogućnosti za planiranje prostora na području općine Olovo. Rezultat pregovora je Sporazum potpisan od strane Premijera Zeničko-dobojskog kantona (broj: 02-23-16249-1/17 od 29.11.2017. godine) i Premijera Tuzlanskog kantona (broj: 02/1-23-30425/17 od 12.12.2017. godine) prema kojem je potrebno „sagladati mogućnosti višenamjenskog korištenja vodnog resursa rijeke Krivaje prvenstveno vodosnabdijevanja, hidroenergetskog iskorištenja i zaštitu od voda i zaštitu voda imajući u vidu Studiju višenamjenskog korištenja rijeke Krivaje.“

Studija višenamjenskog korištenja rijeke Krivaje dala bi odgovor na pitanje da li je opravdana i moguća izgradnja akumulacija na rijeci Krivaji na način predviđen i planiran u vremenski prevaziđenom Prostornom planu R BiH, a koji je još uvijek u primjeni. Mišljenje Općine Olovo je da izgradnja akumulacija na rijeci Krivaji, na način planiran u nepostojećem PP FBiH, PP ZDK i PP TK, nije opravdana sa aspekta projektovanih metoda vodosnabdijevanja, granica obuhvata prostora koji se rezerviša za izgradnju akumulacija sa aspekta projektovanih metoda vodosnabdijevanja, a zatim i vremena izgradnje akumulacija koje nije utvrđeno.

U toku 2019. godine izrađen je projektni zadatak za izradu Studije višenamjenskog korištenja vodnog resursa rijeke Krivaje, prvenstveno vodosnabdijevanja, hidroenergetskog iskorištenja i zaštitu od voda i zaštitu voda. Međutim, do danas nije postignut dogovor ko je nadležan da pokrene proceduru izrade studije.

S obzirom da hidroenergetski objekti i područja planirana na općini Olovo nisu područja od značaja za Federaciju Bosne i Hercegovine, jer ista Parlament Federacije Bosne i Hercegovine nije utvrdio kao takve, ali su preuzeta u PP ZDK i proizilazi da su hidroenergetski objekti i područja od interesa za ZDK, u skladu sa odredbama Sporazuma potpisanog od strane Premijera Zeničko-dobojskog kantona i Premijera Tuzlanskog kantona FBiH, izradu „Studije višenamjenskog korištenja rijeke Krivaje“ ili izradu studije opravdanosti izgradnje planiranih akumulacija morao bi da radi i finansira ZDK - Sredstva za pripremu, izradu i praćenje provođenja Prostornog plana Kantona i prostornog plana područja posebnih obilježja od značaja za Kanton osiguravaju se iz Budžeta Kantona (član 32. Zakona o prostornom uređenju i građenju ZDK („Službene novine ZDK“, broj: 17/23).

7. U cilju osiguranja uslova za plansko upravljanje prostorom, kao prelazno rješenje do usvajanja Prostornog plana općine Olovo, na prijedlog Kantonalnog zavoda za urbanizam i prostorno uređenje ZDK, Općinsko vijeće Olovo je usvojilo Odluku o usvajanju karte osnovne namjene površina (broj: 01-01-3-1989/19 od 10.10.2019. godine), objavljena u „Službenom glasniku Općine Olovo“, broj: 7/19. U skladu sa Odlukom o usvajanju karte osnovne namjene površina Općina Olovo je utvrđivala uslove u urbanističkoj saglasnosti na osnovu stručne ocjene Komisije za izgradnju koju je imenovalo Općinsko vijeće Olovo. Odluka se primjenjivala sve do stupanja na snagu Zakona o prostornom uređenju i građenju ZDK („Službene novine ZDK“, broj: 17/23).

Stupanjem na snagu Zakona o prostornom uređenju i građenju ZDK („Službene novine ZDK“, broj: 17/23), objavljen dana 17.11.2023. godine, članom 188. Zakona propisano je da ako prostorni plan općine, propisan kao osnov za definisanje preduslova u urbanističkoj saglasnosti nije donesen, nadležna općinska služba utvrditi će preduslove u urbanističkoj saglasnosti na osnovu stručne ocjene organizacije kojoj su zakonom ili odlukom o osnivanju povjereni poslovi izrade planskih dokumenata, u konkretnom slučaju Kantonalnog zavoda za urbanizam i prostorno uređenje ZDK. Zahtjevi za stručnu ocjenu i mišljenje, koji se u skladu sa važećim Zakonom o prostornom uređenju i građenju, podnose Kantonalnom zavodu za urbanizam i prostorno uređenje ZDK dobijaju „negativnu stručnu ocjenu“. U obrazloženju mišljenja stoji „s obzirom da se predmetna parcela označena kao k.č. .../K.O.../ nalazi na području planiranih višenamjenskih akumulacija i nije usaglašen sa PP ZDK, daje se negativna stručna ocjena na ovaj zahtjev. Ukoliko dođe do izmjena PP ZDK, odnosno uklanjanja planiranih akumulacija iz Plana,

Tuzlanskog kantona za period 2025.-2045. godine utvrdili smo da suprotno Ustavu i odredbama Zakona o principima lokalne samouprave u Federaciji BiH, nadležna tijela koja su pripremala Nacrt PP TK planirajući sadržaje na području općine Olovo „zašla su“ u isključive nadležnosti Općine Olovo kao jedinica lokalne samouprave i time narušila autonomiju lokalne jedinice iz ZDK. Posebno je suspektno da se pri izradi prostornog plana TK kantona nisu uključila nadležna tijela ZDK, dok je Nosilac izrade PP TK, iako bez izvornog legitimiteta, planirao sadržaj na području drugog kantona, odnosno jedinice lokalne samouprave u sastavu drugog kantona. U dopisu koji je Općina Olovo uputila (broj: 02-19-4-1152/25 od 14.07.2025. godine) Ministarstvu prostornog uređenja i zaštite okolice Tuzlanskog kantona iznijeli smo primjedbe na nacrt Prostornog plana za područje Tuzlanskog kantona za period 2025.-2045. godina. Osim Ministarstvu prostornog uređenja i zaštite okolice TK dopis je dostavljen i Ministarstvu za prostorno uređenje, saobraćaj i komunikacije i zaštitu okoline ZDK i Kantonalnom zavodu za urbanizam i prostorno uređenje ZDK.

Svaki zahvat u prostoru, bio on državnog, regionalnog ili lokalnog značaja, realizuje se u lokalnom prostoru i ima direktan utjecaje na taj lokalni prostor i lokalnu zajednicu, zato mora biti usuglašen s lokalnom zajednicom.

Prostorni plan ZDK u cijelosti zanemaruju odredbe Zakona o principima lokalne samouprave u Federaciji Bosne i Hercegovine („Službene novine Federacije BiH“, broj: 49/06 i 51/09) koje se odnose na vlastite nadležnosti lokalne samouprave u pogledu utvrđivanja i provođenja politike uređenja prostora, donošenja prostornih, urbanističkih i provedbenih planova, utvrđivanja i vođenja politike raspolaganja, korištenja i upravljanja građevinskim zemljištem. Smatramo da su provedenim aktivnostima nadležni kantonalni organi, postupili suprotno članu 4. tačka 6. Evropske povelje o lokalnoj samoupravi, te članu 8. Zakona o lokalnoj samoupravi. Članom 4. Evropske povelje regulisano da povjerena prava ne smiju biti uskraćena ili ograničena od strane neke druge – centralne ili regionalne vlasti, osim u slučajevima predviđenim zakonom, dok je tačkom 6. istog člana propisano, da će lokalne vlasti biti konsultovane u najvećoj mogućoj mjeri, pravovremeno i na odgovarajući način u procesu planiranja i donošenja odluka o svim stvarima koje ih se direktno tiču. Iako nas se direktno tiču Prostorni plan općine Olovo, kao i planovi višeg reda, u konkretnom slučaju pravo na „utvrđivanje i provođenje politike uređenja prostora, donošenja prostornih, urbanističkih i provedbenih planova, utvrđivanje i vođenje politike raspolaganja, korištenja i upravljanja građevinskim zemljištem“ nam je uskraćeno.

Uredbom o jedinstvenoj metodologiji za izradu dokumentata prostornog uređenja („Službene novine Federacije BiH“, broj: 63/04) propisano je da se u toku postupka pripreme prostorne osnove rade potrebne relevantne studije, studijski prilozi, separati, ekspertize, dokumentacija o korisnicima i vlasnicima zemljišta i slično, zavisno od vrste prostorno planskog dokumenta. Kada se za određene oblasti od posebnog značaja za planiranje razvoja ne raspolaže odgovarajućim informacijama, vrše se istraživanja u cilju izrade posebnih studija, elaborata i ekspertiza pojedinih oblasti, a u cilju rješavanja nekih konkretnih problema u prostoru, što u konkretnom slučaju nije urađeno.

Napominjemo da Općina Olovo nikada nije osporavala rješavanje pitanja vodosnabdijevanja, što smo isticali na svakom zajedničkom sastanku sa predstavnicima kantonalnih i federalnih ministarstava, uz uslov da se izradi studija višenamjenskog korištenja vodnog resursa rijeke Krivaje (prvenstveno vodosnabdijevanja, hidroenergetskog iskorištenja i zaštite od voda) ili studija opravdanosti izgradnje akumulacije.

Na osnovu naprijed navedenog Općina Olovo:

1. **Zahtijeva pravo na jednakost pred zakonom, odnosno, rješavnje o našim pravima pod jednakim uslovima** koje nam je zagarantovano Ustavom Federacije Bosne i Hercegovine (sva lica na teritoriji Federacije uživaju prava na: na jednakost pred zakonom i pravo na imovinu)
2. **Tražimo da Kantonalni zavod za urbanizam i prostorno uređenje ZDK, kao Nosilac izrade PP općine Olovo, okonča poslove izrade Prostornog plana općine Olovo.**

3. **Tražimo da ZDK HITNO**, zajednički sa Kantonalnim zavodom za urbanizam i prostorno uređenje ZDK kao Nosiocem izrade PP općine Olovo, iznađe rješenje za postupanje Općine Olovo do usvajanja PP općine Olovo čime bi se riješilo pitanje ograničavanja prava od strane viših nivoa vlasti na neometano uživanje imovine vlasnika čija se nekretnina nalazi u „području planiranih višenamjenskih akumulacija“ (posjeda i vlasništva)!
4. **Tražimo da se „pojednostavi“** procedura izdavanja stručne ocjene (proces je neefikasan i usložen, vrijeme za izdavanje dozvole produženo) za općine koje nemaju donesene planske dokumente do donošenja istih.
5. **Da se po hitnoj proceduri izmjeni Prostorni plan ZDK** (do usvajanja novog PP) u dijelu planiranih hidroenergetskih objekta i područja planirana na općini Olovo koja nisu područja od značaja za Federaciju Bosne i Hercegovine, jer ista Parlament Federacije Bosne i Hercegovine nije utvrdio kao takva. Ako su planirani hidroenergetski objekti i područja planirana na općini Olovo područja od značaja za ZDK da se izrade **prostorni plan područja posebnih obilježja za ZDK**.
6. **Da se izradi studija višenamjenskog korištenja vodnog resursa rijeke Krivaje** prvenstveno vodosnadbijevanja, hidroenergetskog iskorištenja i zaštite od voda i zaštitu voda (veza Sporazum potpisan od strane Premijera Zeničko-dobojskog kantona i Premijera Tuzlanskog kantona FBiH) **ili studija izvodljivosti izgradnje akumulacija Buk i Kamenica**, koje će poslužiti za ažuriranje PP ZDK, a ne da se za izradu koristi zastario Program izrađen prije 22 godine.

Još jedanput molimo nadležna tijela da usaglase interese korisnika prostora (lokalne zajednice, građana, privrede, poljoprivrede, turizam, zaštita okoliša, itd.) i prioritete djelovanja od značaja za ZDK, što je ujedno i načelo prostornog planiranja, kao i da uvažavaju stvarne potrebe i interese stanovništva sa područja općine Olovo. U cilju prevazilaženja problema sa kojima se susreće stanovništvo općine Olovo spremni smo za otvoren i iskren razgovor i dogovor. Pozivamo Vas, s obzirom da po našim inicijativama do sada nije bilo konkretnih pomaka, da se ponovno organizuje zajednički sastanak sa predstavnicima ZDK, u terminu koji Vama odgovara, a sve u cilju konačnog rješavanja problema koji su od presudne važnosti za stanovništvo općine Olovo i u konačnici izrade PP općine Olovo!

Molim da nam se odgovor na dopis dostavi u pisanoj formi!

S poštovanjem!

PRILOG:


1. Informacija Federalnog ministarstva prostornog uređenja (broj: 02-19-589/25-4 od 20.01.2026. godine).

Predmet obradila

Merisa Kaljanac, dipl.ecc

Dostavljeno:

1. Naslovu,
2. u evidenciju
3. a/a



Bosna i Hercegovina, Općina Olovo - Olovo, Branilaca Olova b.b., 71 340
 Telefon: 032/829-540, Fax: 032/829-568; e-mail: op.olovo@privreda@bih.net.ba

Broj: 02-19-589/25 - 4
Sarajevo, 20.01.2026. godine.

Bosna i Hercegovina
Federacija Bosne i Hercegovine
ЗЕМИЉНО - ПРОЈЕКТНОСНИ КАНТОН
ОПШТИНА ОЛОВО

BOSNA I HERCEGOVINA
FEDERACIJA BOSNE I HERCEGOVINE
URED PREMIJERA

Prijelaznica: 20.01.2026			
Organizaciona jedinica	Klasifikaciona oznaka	Redni broj	Broj prijeka

Predmet: Informacija, dostavlja se
Veza Vaš broj: 01-19-548-1/25 od 13.01.2026. godine

Poštovani,
vašim aktom broj i datum naprijed navedenim tražili ste informaciju vezanu za izradu Prostornog plana Općine Olovo, odnosno probleme vezane za izradu istog.
Postupajući iz djelokruga ovog Ministarstva vezanog za predmetnu problematiku informišemo Vas o sljedećem:

- Kao što je poznato da Prostorni plan Federacije Bosne i Hercegovine, za period od 2008-2028. godine, nije donesen, odnosno povučen je iz Parlamentarne procedure, čime je prestala svaka obaveza prema planskim pretpostavkama istog;
- Parlament Federacije Bosne i Hercegovine je donio Odluku o pristupanju izradi Prostornog plana Federacije Bosne i Hercegovine ("Službene novine Federacije BiH", broj: 77/25), čijim je članom 4. stav (1) i (2) jasno propisan sadržaj plana, a članom 7. stav (1), (2) i (3), propisana obaveza uključenja javnosti u svim fazama njegove izrade;
- Članom 115. stav (1) i (2), Zakona o prostornom planiranju i korištenju zemljišta na nivou Federacije Bosne i Hercegovine ("Službene novine Federacije BiH", br. 2/06, 72/07, 32/08, 4/10, 13/10, 45/10, 85/21, 92/21 i 72/24) (u daljem tekstu Zakon), propisano je da do donošenja Prostornog plana Federacije BiH primjenjuje se Prostorni plan RBiH, za period od 1981. do 2000. godine, u dijelu koji nije u suprotnosti sa Ustavom Federacije i da do njegovog donošenja, područja od značaja za Federaciju utvrđuje Parlament na prijedlog Vlade.

Iz naprijed navedenog, a vezano za problematiku izrade Prostornog plana Općine Olovo, proizilazi da Općina Olovo nije obavezna pozivati se na Prostorni plan Federacije Bosne i Hercegovine, za period od 2008-2028. godine, zbog njegovog nepostojanja.

Prostornim planom RBiH, za period od 1981. do 2000. godine, na odnosnom području, planirani hidroenergetski objekti i područja, nisu područja od značaja za Federaciju Bosne i Hercegovine, jer ista Parlament Federacije Bosne i Hercegovine nije utvrdio.

Uz puno uvažavanje Zakonske regulative, a posebno članova 15. stav (1) Zakona, kojim se propisuje da se prostorni plan općine radi na osnovu Prostornog plana kantona i člana 16. stav (2) i (4) Zakona, kojima je propisano da je kanton prije donošenja prostornog plana, dužan pribaviti mišljenje Ministarstva i da pribavljanje saglasnosti za Prostorni plan

općine, kao i ostala pitanja vezana za donošenje Prostornog plana općine uređuju se kantonalnim Zakonom o prostornom uređenju.

Uvažavajući sve druge odredbe Zakona, koje nisu ovdje navedene, informišemo Vas da Federalno ministarstvo prostornog uređenja nema zakonsku obavezu prema izradi Prostornog plana Općine Olovo. Upućujemo Općinu Olovo da svoje interese, prava i obaveze u pogledu planiranja, odnosno izrade Prostornog plana, provode, uređuju i usklađuju sa kantonalnim Zakonom o prostornom uređenju, odnosno Prostornim planom Zeničko-dobojskog kantona.



Dostaviti :

1. Naslovu,
- ② Općina Olovo,
Branilaca Olova bb,
71340 Olovo
3. Evidenciji,
4. Arhivi .



PROIZVODNO - TRGOVAČKO DRUŠTVO

RN broj 199-047-00046752-54 kod ABS banke DD Sarajevo Filijala Visoko

RN broj 338-900-22071125-96 kod UniCredit Bank

Donja Zimča bb, 71300 Visoko, BiH,

Tel.fax: + 387(0)32 740 219, 740 228 E-mail: susacom@bih.net.ba

ID broj: 4218204740003 PDV broj: 218204740003 Por.broj: 01982186

Broj rješenja: 1-7858 Kantonalni sud Zenica

Bosna i Hercegovina
Federacija Bosna i Hercegovine
Zeničko-Dobojski kanton
Ministarstvo za prostorno uređenje, promet
i komunikacije i zaštitu okoline
Kučukovići 2
72 000 Zenica
N/r ministar Adnan Šabani

ZENIČKO-DOBOJSKI KANTON			
PRIMLJENO:			
Org. jedinica	Klasifik. oznaka	Redni broj	Broj prijave
12	19	12952	

PREDMET: Incijativa za izmjenu planskog dokumenta-prostornog plana

Poštovani,

Ovim putem Vam se obraćamo sa Incijativom da se u Prostornom planu Zeničko-Dobojskog kantona izvrši izmjena namjene na sljedećim parcelama: k.č.: 2470, 2471, 2474, 2475/1, 2476/2, 2479/2, 2480, 2483, 2484/3, 2490, 2491, 2492, 2495, 2496, 2497/2, 2501/1, 2502/2, 2521, 2522, 2529, 1456 sve upisane u KO Radovlje, na kojem je kao vlasnik 1/1 upisano privredno društvo Suša-Commerce d.o.o. Visoko, Donja Zimča, Visoko, na način da na predmetnom zemljištu bude predviđena „izgradnja infrastrukturnih objekata sa energetsom i telekomunikacijskom opremom“.

Prema trenutno važećem Prostornom planu predmetne parcele spadaju u građevinsko zemljište vanurbanog područja, čija je namjena izgradnja aerodroma „Paljike“.

Međutim, svjedoci smo da su sve radnje oko aerodroma „Paljike“ stopirane, a u izrađenoj studiji utvrđeno je da je riječ o izuzetno nepovoljnoj i složenoj topografskoj lokaciji te prvi nalazi aeronautičke studije ukazuju na činjenicu da na ovoj lokaciji nije moguće izgraditi aerodrom koji bi imao bolje performanse od Međunarodnog aerodroma Sarajevo, odnosno, ne bi se mogla povećati kategorija u odnosu na kategoriju koju ima Međunarodni aerodrom Sarajevo (MAS). Također, za izgradnju aerodroma na nekoj lokaciji moraju biti povoljni meteorološki uslovi, uslovi u vezi s jačinom i frekvencijom vjetera, magle, padavina, vlage, a što u ovom slučaju nije povoljno. Nepovoljna situacija u vezi izgradnje aerodroma „Paljike“ je i blizina MAS i intenzivna ulaganja u MAS u cilju unapređenja i proširenja terminala i povećanja dužine staze aerodroma u Sarajevu, zbog čega se dolazi do zaključka da nema interesa izgradnje još jednog aerodroma, koji bi bio udaljen 15 km zračne linije od aerodroma Sarajevo.

Poštovani ministre, molimo Vas da sagledate sve navedene činjenice, a smatramo posebno važnim naglasiti, da su dosadašnja iskustva sa Tuzlanskog i Mostarskog aerodroma pokazala da su navedeni aerodromi jako teško održivi bez intenzivne podrške kantona, zapravo, bez takve podrške navedenim aerodromima njihovo funkcionisanje ne bi bilo održivo, što nas dovodi do zaključka da nam još jedan takav neodrživ aerodrom nije potreban.

Sa druge strane, sa promjenom namjene navedenog zemljišta dobili bi novi zamah u razvoju našeg kantona. To bi omogućilo zapošljavanje više stotina radnika, ali postigli bi i veći stepen energetske i telekomunikacijske stabilnosti za šta nam je neophodna i zelena energija, koja je od velikog značaja posebno u situacijama eventualnog kolapsa energetske sistema, kakav se prije mjesec dana desio u Bosni i Hercegovini i susjednim državama. Gradnja infrastrukturnih objekata sa energetsom i



PROIZVODNO - TRGOVAČKO DRUŠTVO

RN broj 199-047-00046752-54 kod ABS banke DD Sarajevo Filijala Visoko

RN broj 338-900-22071125-96 kod UniCredit Bank

Donja Zimča bb, 71300 Visoko, BiH,

Tel.fax: + 387(0)32 740 219, 740 228 E-mail: susacomm@bih.net.ba

ID broj: 4218204740003 PDV broj: 218204740003 Por.broj: 01982186

Broj rješenja: 1-7858 Kantonalni sud Zenica

telekomunikacijskom opremom podigla bi nivo energetske i telekomunikacijske sigurnosti te značajno povećala prosperitet grada Visoko, Zeničko-Dobojskog kantona, pa i same Federacije BiH i države BiH.

Na osnovu svega gore navedenog, a posebno činjenice što je navedeno zemljište zbog trenutne namjene neupotrebljivo u druge svrhe odnosno nedostupno je za investiranje, molimo Vas da se u Prostornom planu našeg kantona na svim gore navedenim parcelama izvrši promjena namjene tako da se umjesto namjene „izgradnja aerodroma“ izvrši upis namjene „izgradnja infrastrukturnih objekata sa energetsom i telekomunikacijskom opremom“.


Na kraju, smatramo da je od presudne važnosti da je zemljište sada u privatnom vlasništvu, kupljeno od suda uz plaćanje svih obaveza, te da sve navedene činjenice nedvojbeno upućuju na potrebu stavljanja zemljišta u naprijed navedenu funkciju.

U slučaju bilo kakvih dodatnih pitanja stojimo na raspolaganju.

S poštovanjem,

U Visokom, 17.07.2024. godine

Broj: 17/07/24



Prilozi:

- Kopija katastarskog plana
- ZK ulošci